



pravosudna mreža  
BOSNE I HERCEGOVINE  
правосудна мрежа  
БОСНЕ И ХЕРЦЕГОВИНЕ  
justice network  
OF BOSNIA AND HERZEGOVINA



forum građana tuzle



Helsinški odbor za ljudska prava  
u Republici Srpskoj

# NEWSLETTER BILTEN

*Pokretanje Pravosudne mreže BiH inicirali su Forum građana Tuzle i Helsinški odbor za ljudska prava u RS, kao dio aktivnosti Projekta održivosti civilnog društva (CSSP). Osnovna svrha Mreže je doprinos nezavisnosti, efikasnosti, nepristrasnosti i samostalnosti bh. pravosuđa.*

| Broj 27. |

## NOVOSTI

**Druga stručna rasprava o „Nacrtu preporuka za imjene i dopune zakona o VSTV-u“ održana je u Bijeljina, u subotu 25.02.2017. g**

U okviru svog projekta „ Program održivosti civilnog društva u BiH“ – Sektor Pravosudna vlast u BiH, koji podržava USAID, Forum Građana Tuzle, zajedno sa partnerskom organizacijom Helsinški odbor za ljudska prava RS iz Bijeljine, organizovali su i proveli prvu stručnu raspravu (od planiranih 5 rasprava), o „Nacrtu preporuka za imjene i dopune zakona o VSTV-u“.

Projektna radna grupa, formirana od predstavnika sudskih i tužilačkih strukovnih udruženja iz BiH, nosilaca pravosudnih funkcija, je, nakon višemjesečnog rada, sačinila određene preporuke za izmjenu postojećeg zakona koje bi trebale da doprinesu nezavisnosti, samostalnosti i odgovornosti VSTV-a, pa samim time i sudske vlasti čime bi se doprinijelo izgradnji povjerenja u ovaj važan dio državne vlasti.



CENTRI CIVILNIH INICIJATIVA  
ЦЕНТРИ ЦИВИЛНИХ ИНИЦИЈАТИВА



Centar za promociju civilnog društva



**USAID**  
FROM THE AMERICAN PEOPLE







## Sudovi u BiH riješili blizu 170.000 najstarijih predmeta u 2016. godini

Od 2010. godine riješeno preko 660.000 najstarijih predmeta

Sudovi u BiH su u 2016. godini riješili blizu 170.000 najstarijih predmeta te od 2010. godine ukupan broj riješenih najstarijih predmeta prelazi 660.000. Ovo su najnoviji rezultati aktivnosti praćenja procesa rješavanja starih predmeta, jedne od osnovnih aktivnosti Visokog sudskog i tužilačkog vijeća Bosne i Hercegovine kojom se osigurava da sudovi u potpunosti poštuju ispunjenje svojih planova rješavanja predmeta i do kraja perioda za koji se donosi plan uspješno realiziraju iste.

Preciznije u 2016. g. sudovi u BiH su riješili ukupno 168.369 najstarijih predmeta što je dodatno doprinijelo kontinuiranom smanjenju broja neriješenih starih predmeta odnosno povećanju efikasnosti sudova u BiH, a samim tim i pravosuđa u cjelini. Tako su od 2010. godine, kada su počeli primjenjivati planove rješavanja starih predmeta, do danas sudovi riješili preko 660.000 najstarijih predmeta.

U sudovima Federacije BiH do 31.12.2016. godine ukupno je riješeno 105.288 predmeta. Istovremeno, sudovi u Republici Srpskoj su riješili 57.766 predmeta. Sudovi Brčko distrikta BiH su u 2016. godini riješili 3.805 predmeta dok je Sud BiH riješio 1.510 najstarijih predmeta.

U dokumentu u prilogu može se pogledati detaljan pregled realizacije planova na nivou svih sudova u BiH, po godini iniciranja predmeta za period 1.1.- 31.12.2016. godine, a na osnovu podataka koji su bili predmet analize.

Preuzeto sa <http://vsts.pravosudje.ba>

